

REMAGLVS LYMBVRGVS.
MEDICINÆ DOCT. ET LEODII A-
PVD D. PAVLVM CANONICVS, D.
GEORGIO BRAVN.

S. P. D.



LITERAS tuas, vir præclarissime, vti doctas, ita concinnè exaratas, amoris erga me tui & officij plenas, accepi, quæ quidem, quanto me opere refecerint, & recreauerint, vix verbis assequi possū. Quo quidem nomine H. Tuæ obligatum me libenter concedo, quam nunc, successuq; temporis frequenter, litterario inuisam colloquio. Initio itaq; mihi, non parum gaudeo, tecum mihi felicibus auspicijs, conciliatam & initam esse amicitiam, quā sanè, vt vnice venerer, exosculer, & singulari amore amplectar, nihilo omnino mihi debetur gratiæ, sed eruditioni & eloquentiæ tuæ, qua historicas vrbiū enarrationes accuratissimè earundem picturis, ea industria & dexteritate subiungis, vt non tam artificium, & Braunij ope delineatas, sed viuas exhiberi vrbes, appareat. Adeo quidem, vt etsi nostro hoc æuo, in pulcherrima, totius orbis descriptione, non pauci docti, ac celebres viri gnauiter laborent, re vera tamen, non meo tantum, sed & eruditissimorum hominum iudicio superat, & post se longo interuallo Agrippinensis Braunius, relinquit. Quippè, qui præter purissimè in vrbiū enarrationib. obseruatam scribendi phrasim, vrbes etiam ipsas æreis laminis artificiosè celatas, longè maximis impensarum sumptib. artificiosissimè exhibet. Quid iam industriam & diligentiam propè singularem illam tuam cōmemorem, qua non vicinis modò, sed & remotissimarū nationum hominib. innotescis, quos doctissimis excitas literis, quo tuum hoc studium, vrbes supeditando, promoueant. Itaq; non existimo, reperiri nunquam, qui Cosmographiæ addendum esse quippiam putet, si tuos hos libros, accuratissimo totius vniuersi Theatro, à summo huius æui cosmographo. D. Abrahamo Orttelio conscrip-
pto,